

天方至聖實錄

廣西巡撫臣朱椿跪

奏為盤獲回匪恭摺具奏事乾隆四十七年

五月十一日酉刻據桂林府知府貴中孚

稟稱奉諭查緝匪徒茲於桂厰有一人初蓄辮髮狀似還俗僧人詢稱伊名海富潤係廣東崖州三亞村回民遊學已閱九年因病脫新蓄未長等語查其行李箱內有抄錄回字經二十一本據稱或係自抄或係買來至其中有無違碍無從識辨又

漢字天方至聖實錄年譜一部十本天方
字母解義一本清真釋疑一本天方三字
經一本俱係江寧回人劉智所著袁國祚
等於乾隆四十暨四十三等年刊行板係
袁氏家藏各書內大意通係揄揚西域回
教國王穆罕默德之語其書名至聖實錄
已屬僭妄且以

本朝人譯刺而於

御名不知敬避又序引凡例紀事辯論等類狂
悖荒唐之說不一而足嚴訊海富潤據供
於乾隆三十九年間自籍起身歷經廣西
湖南湖北安徽陝西等省除安徽無人傳
經外其餘均有傳經供飯之人而在陝西
大荔渭南等縣最久所帶前項五種漢字
皆係四十六年自陝西回至漢口因病居
住禮拜寺有寺側開張帽店之同教江寧
人素二所贈等情並據兩司稟同前事由

臣查回字經二十一本臣因愚昧不能辨
識有無違碍之虞而漢字五種實多狂悖
荒唐且該犯係陝西回粵恐係甘省番回
漏網逆黨其供認各省均有傳經供飯之
人似此煽惑人心尤應逐一究明從重案
擬治罪臣現在提犯研鞫確實情節飛咨
該犯原籍廣東嚴查有無另有悖逆不法
字跡並咨江南暨各省督撫查緝前項書
籍板片解京銷燬并咨拿譯刻散佈暨著

書贈書各犯審擬治罪謹將搜獲各書敬
繕清單同書咨部恭呈

御覽所有盤獲四匪搜獲書籍緣由恭摺由

駙馳遞奏

聞伏乞

皇上睿鑒謹

奏

奉

上諭本年六月初九日戌刻准兵部五百里
火票遞到 尚書額駙公福 尚書和字
寄

上諭據朱椿奏盤查回匪搜獲書籍現在嚴
辦一摺內稱據桂林府知府貴中孚稟報
盤獲廣東崖州回民海富潤有抄錄回字
經二十一本又漢字天方至聖實錄年譜
等書係江寧回民劉智所著書內大意約

畧掄揚西域回教國王穆罕默德之意居多據該犯供稱得自江南回民袁二所贈已咨各督撫查辦書籍恐係甘省漏網逆黨以此煽惑人心現在逐一嚴究從重審擬等語所辦殊屬過當甘省蘇四十三係回教中之新教即邪教也今已辦盡根株其於舊教回民各省多有而在陝省及北直居住者尤多其平日所誦經典亦係相沿舊本並非實有謗毀顯為悖逆之語且

就朱椿現在簽出書內字句大約俚鄙者多
不得竟指為狂悖此等田民愚蠢無知各
奉其教若必鯁鯁繩以國法將不勝其擾
況上年甘省逆番滋事係新教與舊教相
爭起衅並不借經典為煽惑朱椿獨未聞
知乎朕辦理廢政不肯稍存成見如果確
有悖逆狂吠字跡自當按律嚴懲不少寬
貸若如此等田教書籍附會其詞苛求字
句甚非朕不為已甚之意此事着即傳諭

朱椿並畢沅等竟可毋庸辦理嗣後各省
督撫遇有似此鄙俚書籍俱不必查辦將
此一並傳諭知之欽此

廣西巡撫部院朱 咨開據廣西桂林府
知府貴中平稟報盤獲匪海富潤搜出
漢字書五種面字經二十一一本並訊據該
犯供稱是廣東瓊州府崖州三亞村回
民乾隆三十九年四月是自家起身到廣
西湖南湖北安徽陝西除安徽無人傳經
其餘俱有傳經供飯之人至四十六年十
月間到湖北漢口觀音橋禮拜寺養病本
年春間有江南袁二在漢口禮拜寺左首

相離二十多房子開張帽鋪送_為天方至
聖寶錄年譜一部十本天方三字經一本
五功釋義一本清真釋疑一本天方字母
解義一本是書板是江南纔有袁二人人
稱為太爺約六十多歲中樣身材蒼白鬚
鬚等供據此本部院查該漢字書五種內
多狂悖荒唐隨逐一簽出開單進呈

御覽

恭摺由驛馳

奏除傳經供飯之人另行

逐一研訊咨拿外相應飛咨查照希即檄

傷該地方官搜照海富潤供開張帽鋪之
袁二嚴拿到案訊明所贈書籍買自何地
何人諱刻者何人並查搜袁二鋪內有無
別樣不法字跡及別樣不法經卷迅賜辦
理移覆施行計粘抄奏稿一紙清單一本
等因到本部院准此合函札行脩札行府
即便會同藩司星遠密赴漢鎮帶同地方
官將開張帽鋪之袁二嚴拿到案研訊書
籍來歷並搜查袁一鋪內有無別項不法

字跡經卷及傳經授徒追寃經卷書板確
在何處照例辦理慎毋稍有違遲切速切
速奉此查袁二已經本司會同漢黃德道
督同漢陽府縣拏獲並搜獲經卷飭發該
府收管在案合行飭府為此仰府官吏會
同武昌襄陽二府應城漢陽二縣嚴訊書
籍來歷得自何人因何將經卷傳授海富
潤及曾傳授別人追寃經卷書板確在何
處務得實情先行通報一面遵例辦理慎

毋稍有違悞切切
五月廿三日行

湖北巡撫臣姚成烈跪奏為遵

旨省釋袁二恭摺覆奏仰祈

睿鑒事竊臣於本年六月初九日戌刻承准

尚書額駙公福隆安尚書和伸字寄內

國六月初三日奉

上諭據朱椿奏盤查回匪搜獲書籍現在嚴

辦一招內稱據桂林府知府貴中孚稟報

盤獲廣東崖州回民海富潤有抄錄回字

經二十一本又漢字天方至聖實錄年譜

等書係江寧田民劉智所著書內大意約畧揄揚西域回教國王穆罕默德之意居多據該犯供稱得自江南田民袁二所贈已咨各督撫查繳書籍恐係甘省漏網逆黨以此煽惑人心現在逐一嚴究從重審擬等語所辦殊屬過當甘省蘇四十三係回教中之新教即和教也今已辦盡根株其於舊教回民各省多有而在陝省及北直居住者尤多其平日所誦經典亦係相

沿舊本並非實有謗毀顯為悖逆之語且
就朱椿現在簽出書內字句大約俚鄙者
多不得竟指為狂悖此等田民愚蠢無知
各奉其教若必鯁鯁繩以國法將不勝其
擾况上年甘省逆番滋事係新教與舊教
相爭起衅並不借經典為煽惑朱椿獨未
聞知乎朕辦理庶政不肯稍存成見如果
確有悖逆狂吠字跡自當按律嚴懲不少
寬貸若如此等田教書籍附會其詞苛求

字句甚非朕不為已甚之意此事着即傳諭朱椿並畢沅等竟可毋庸辦理嗣後各省督撫遇有似此鄙俚書籍俱不必查辦將此一並傳諭知之欽此

寄信到臣臣查此案先准廣西撫臣來咨當經密委司道前赴漢口鎮帶同府縣將開張帽店之袁二挈獲並起出所存書籍與廣西來咨相同又另查出譚漢田字經

數本此外逐細搜查委無別項不法經卷
字跡提訊袁二供係江寧府上元縣舊教
回民年已七十其書皆得自江寧已故回
人劉智從回經譯出給同教回民誦習伊
曾轉送廣西盤獲之海富潤五種並未傳
給民人誣騙銀錢亦無別項不法事情傳
詢保鄰僉供袁二在漢貿易實係安分守
法臣察其形狀委係愚蠢回民並非不法
棍徒檢閱書籍不過推崇西域回教語皆

荒謬誠如

聖明訓示字句俚鄙不得竟指為狂悖臣在

具奏間今欽奉

諭旨毋庸辦理跪讀之下仰見我

皇上聖明洞察矜恤愚回仁至義盡之至意

臣謹遵

旨傳出袁二當堂省釋並宣讀

恩旨明白講解使其傳知同教之人各當安

分守業伊感激涕零叩頌

天恩極為真切臣惟有敬凜

聖訓嗣後地方如確有悖逆狂吠字跡即當

嚴行懲究若似此鄙俚書籍不敢苛求查

辦致滋擾累所有掣獲回民袁二今遵

旨省釋緣由理合會同督臣舒常奏摺具

奏伏

皇上睿鑒謹奏

奉

上諭本日姚成烈奏遵

旨省釋回民一摺內稱接據朱椿咨來當即

將袁二拿獲因前奉

諭旨毋庸辦理隨將袁二當堂省釋等語袁

二本係安分回民年已七十該撫自當即

行釋放此事前據朱椿具奏時朕即降旨

通諭各督撫停其查辦今姚成烈奏據咨

查拿袁二至年逾七旬之人無辜受累可

見各省因此滋擾者已不少皆朱椿辦理錯
悞所致朱椿雖不至如譚尚忠之徇情邀
譽而其不暗事理輕重率行分咨查辦冒
昧之咎亦所難辭 朱椿着交部察議欽
此

乾隆四十七年七月初十日

內閣抄出到部查廣西巡撫朱椿於毋庸
辦理之回民冒昧分咨查辦湖北省據
咨將袁二拿訊實因該撫不諳事理輕
重率行分咨以致年逾七旬之安分回
民無辜受累實屬不合應將廣西巡撫
朱照不行查明率行申報例降二級調
用此案非尋常錯謬可比雖有加級紀
錄應不准抵銷恭候

命下臣部遵奉施行謹題奉

旨冬椿著加恩改為革職留任已有旨了該
部知道

乾隆四十七年六月十八日奉

上諭本日閱鄂元奏接據廣西咨會起出回
經並等獲作序刊書各犯訊供具奏一摺
此事前據朱椿奏到業經降旨不必查辦
通飭各省督撫嗣後如有似此回教經典
俱毋庸苛求致滋擾累蓋緣舊教回民在
西北省分為多而各省亦在在俱有所奉
經典回民中亦屬家喻戶曉即與僧道喇
嘛無異焉能盡其人而火其書乎且伊等

平日持誦經典自唐宋以來早已流傳中國迥非若白蓮邪教起立名色需為歛錢惑衆甚且作亂者可比若過為揆求滋擾則安分守法之回民轉致不能自安無所措其手足封疆大吏如遇有地方邪教悖逆等事自應認真辦理若此等久有之回教經典遽照違悖之案通行嚴辦殊屬荒唐錯謬朱椿初任巡撫不諳事理之輕重即飛咨各省一律查辦甚屬非是朱椿著

嚴行申飭所有閑鷄元奏到起出回經及
得獲作序刊書之人俱當妥為安撫概於
省釋至各省督撫接據廣西咨會均著一
例停止毋庸查辦將此由六百里加緊再
行通諭知之並各據實具奏有無查辦欽
此

兩江總督臣薩 載

江蘇巡撫臣 閔鷄元

江寧布政使臣劉璣

江蘇按察使臣李慶芬敬謹謄黃

兩江總督臣薩載謹

奏為欽遵

諭旨恭摺覆奏事臣於本年五月二十七日

准廣西撫臣朱椿咨開拿獲匪海富潤
搜出漢字書五種四字經二十一本訊據
供有同教之江寧袁二送天方至聖寶錄
年譜等書板片現在江南等情查漢字書
內語多狂悖簽出進呈恭

奏飛咨檄飭所屬將袁二所贈海富潤各書

籍板片搜查解京銷燬並嚴查袁二及作
序之華亭縣人改紹賢及著書之劉智金
天柱等速拿到案迅速辦理等因臣恐其
中竟有悖逆不法之書當即咨會各撫臣
並行司道轉飭查辦去後旋據江寧府稟
率同上江二縣親詣袁二即袁國祚家內
搜起漢字四經各書籍板片並拿獲袁國
祚同居之兄袁國裕訊明著書人金天柱
久經外出不知踪跡劉智久經身故有曾

孫劉夢義訊有天方性理典禮二書板片
現在鎮江譚在文家即經飛關鎮江府查
拿隨據鎮江府稟飭外將譚在文連書本
板片一並拿獲又據松江府稟率同華亭
縣查明作序之改紹賢係提督衙門書辦
即稟知提臣飭發到縣訊詳續據江寧鎮
江松江各府稟報已將袁國裕譚在文改
紹賢等解赴江蘇撫臣審辦等情到臣
正在查核批示間於六月初八日接奉

上諭據朱椿稽查回民搜獲書籍現在嚴辦

一摺內稱桂林府知府貴中孚稟報

云云

欽此臣跪讀之下仰見哉

皇上至聖至明

恩施逾格當即飛札各撫臣一並欽遵並札

會江蘇撫臣率同司道府縣傳齊回民袁

國裕等宣揚

恩旨概行省釋其書籍板片亦即給還並通

飭各屬通行出示曉諭回民從此益當感

激

天恩務各安分守法悉歸良善永沐
皇仁於無既矣所有臣遵

旨辦理謹恭摺由駟覆

奏伏祈

聖鑒謹

奏奉

硃批汝接朱椿寄信即不審事體輕重如此
矜張辦理糊塗為朕所鄙笑矣汝不同朱

椿當知愧耶該部知道

六月二十五日奉

諭本日據薩載奏接准廣西撫臣朱椿咨
拿回民海富潤案內之改紹賢等二犯當
即轉飭查辦解赴江蘇撫臣寬審一摺所
辦殊屬非是此案海富潤有抄錄回字經
卷及漢字天方至聖寶錄年譜等書其書
內大意約畧揄揚西域回教之意居多回
民持誦經典自唐宋以來早已流傳中國
現在相沿舊本在回民中俱屬家喻戶曉

並無毀謗悖逆之語則是回民之名奉其
款即與此時僧道喇嘛無異焉能盡人其人
而火其書乎此案前據朱椿奏到節經降
旨通飭各省督撫毋庸查辦乃薩載接准
朱椿咨會並不權衡事理之輕重遽行飛
飭各屬將改紹賢等搜查解押究審如此
矜張辦事殊非大臣實心任事之道實屬
可鄙可笑薩載久任封疆在督撫中尚屬
老成歷練明白曉事之人乃亦與朱椿之

初任巡撫遇事茫無主見者相同能不知所愧乎地方大吏遇有奸民倡立邪教即惑衆歛錢之事自當實力嚴查究辦務淨根株以除風俗人心之害若回教民人各省多有無論西北省分居住者固多即江省一帶零星散處其飲食作息俱與平民相等不過不食狗豕肉耳如以傳習經典與邪教悖逆之書一例查辦則安分守法之田民轉致無所措其手足且從前山東

王倫及甘肅王伏林等滋事不法回民中
即有首先奮勇打仗者即上年蘇四十三
之事其舊教回民倡義率衆協同官兵勦
捕甚為出力經朕節次獎賞則朕之視回
教民人皆吾赤子各省督撫安得岐而二
之乎現在所辦此案查拿之改紹賢諸人
雖已據薩載摺內聲明業經遵旨概行省
釋其書籍板片亦即給還並當出示詳晰
曉諭回民務使循分守法各安本業毋致

驚惶擾累但各省督撫若因有此旨遂致
因噎廢食將地方實係和教重案亦藉詞
慎重姑息養奸竟置不辦則是誤會朕意
不度事理將來發覺時恐不能當其罪也
將此通諭中外知之欽此

領侍衛內大臣尚書忠勇公 領侍衛內

大臣尚書 字寄

江南提督公 乾隆四十七年六月二十

七日奉

上諭據保寧奏稱據華亭縣知縣林培由稟稱
廣西省查出四匪海富潤事內有華亭縣
所屬名改筠之人係提督衙門書辦隨將
改筠拿交該縣審訊並令搜查家屬有無
別項不法書本等語此事本不應辦已經

明降諭旨曉諭各省督撫矣保寧在乾清
門行走多年而隨同阿桂在軍營經練事
體不比閔鶚元朱椿一樣未曾經練事體
者此等回子經卷乃衆回俱有保寧豈不
知之今並不分晰事之輕重虛應塞責即
將改鎬拿審並搜查家屬所辦甚屬非是
着將保寧申飭欽此

江蘇巡撫部院閱 為飛咨查辦事乾隆
四十七年五月廿七日准

廣西巡撫部院朱 咨前事等因到本部
院准此合就抄粘飭行為此仰府官吏即
速督同華亭縣將粵省查辦海富潤逆書
案内之贈書江寧袁二著書之石城人袁
國祚金天柱金陵劉智並長樂齋藏板及
作叙之華亭縣人恂齋紹賢一并嚴密查
拿並搜查各該犯家書本板片有無別項

不法書本字跡宛明流傳處所刻日訊供
馳稟察奪并即委員解蘇審辦毋稍疎漏
大千未便一面將天方至聖實錄年譜等
書及板片等項通飭各屬實力訪查出示
首繳務期查繳淨盡刻日解候彙解慎勿
遺漏干咎火速切切

書引

敬刻此書原以闡明教法垂諸斯世亦以表揚
繙譯著述苦衷並非沽名射利之意惟念江寧
省會名區從前教習甚衆兼有捐脩義舉邇來
漸至頽靡雖有設帳習學多屬虛名鮮實今訂
茲書工價每部紋銀 除紙張裝潢稍有盈
餘意欲藉此書之盈餘以為鳩集置業永遠設
教之資庶聖教益廣而進學有基
四方請書諸君子倘有同心何妨格外樂輸以

表此盛庶源遠流長光於奕世豈不偉歟

石城袁國祚謹識

至聖實錄年譜序

今夫聖人之道至大聖人之學至正
聖人之功至精大則無所不包正則
無所不範精則無所不備此吾教
至聖之特生天方澤流東土而立教
垂萬世於無窮也伊古以來聖人賢
人衆矣上自伏羲神農黃帝以逮堯

舜禹湯文武周公孔子雖伊尹之任
伯夷之清柳下惠之和皆得其偏而
惟孔子為集大成時中而無弊吾教
之有

至聖猶四書六經之有孔子也至大
而無所不包至正而無所不範至精
而無所不脩自唐降於天方講明

天經覺民警世先天而天弗違後天
而天奉若教及中國人無不敬而
持之但吾教之習天經者猶能得
其大畧而讀漢書者學士大夫鮮能
近其藩籬則以實錄年譜之未著而
至聖之全體大用不能窺其萬一也
無實錄則

至聖之心源不顯無年譜則
至聖之行事不彰心源不顯則偽學
雜出而無以見其全體行事不彰則
意見偏執而無以見其大用有心聖
教者用是為拳焉歲乙未余自廣
陵署中回舟漢口遇金陵袁君景初
以

至聖實錄年譜十冊授余曰此吾鄉
先輩劉公一齋手筆也乞先生序之
余聖裔孫也自珙縣歸田十八年日
從事于教條僅得其毫末而未窺聖
涯今見是書不啻拱璧余雖庸拙不
敢以不文辭謹按劉公一齋著述甚
多為聖教之功臣如天方性理典禮

字母解義五功釋義諸書尤其卓々
而吾所佩服者

至聖實錄年譜一書蓋吾教之習經
者多而讀書者少此書一出則學士
大夫皆得以窺吾教之源流不至為
他岐所惑其功更大袁君景初承伊
父祖之緒業日孜孜以欲付剞劂而

表君之用心苦矣異日得卒是業則
至聖之大無不包正無不範精無不
備其心源行事全體大用昭著一時
垂憲萬世不無稍補其萬一云

昔

大清乾隆四十年歲乙未秋七月吉

旦

鄉進士文林郎

勅授四川叙州府知珙縣事前貴州
壬子科同考試官雲南臨安府石
屏州聖裔賽璵筆山氏薰沐頓首
書時年八十

廣學堂新刻天方至聖聖錄年譜書序

夫著書立說各成一書之言皆各一之書而
人之所是者方可傳諸後世為要書者其教
中失學之士應於西域者眾而失有所成之
者其長篇億萬言或簡而而快以片言集
字均係克己私圖發天理之妙蘊而文理
淵源即如探海而珠貝其缺憾而為一奇或
雖或殊為罕而為銅鑄於赫蒙或列於金鑑
藏之寶匣遇乃後奇珍者求其貴玩而後出

之如進上林之雅客探其瓊花異卉與幽
人共賞者所謂寔錄年譜一書乃吾

至聖穆罕默德初生至六十三歲修身齊家治
國平天下之行述也其後原西番阿爾壁或
法尔西之文天方之人咸知之惜東土之人
未聞穆罕默德不能開其奧約焉查德烈子一齋
先生深以為罕能會通東西之文章極引益
見所以就達理之精義復憐東土之未窺聖
門而無由而入者於是立言垂教自本玉冰

此西經筆墨依原文直解漢譯所以提挈經
引於後人而學士大夫可以望聖域而希之
初其書稿糅述錯漫已年未經鐫出不能
垂諸永久藏諸於今幸以袁君景初先生繼
刻之其書雖將成較前所得幾奇珍而得經
實之人體聖人之軌道而通性學於神聖之
道四法焉希之幼之與勸成之志功良不滅
於作者乾隆丙申冬月袁君過訪武林以是
錄呈請命予小子士芳自慙幼未習儒懷省

曾助訓悔不敏不尤羣然之見留心玩味熟
讀而躬行之願我同人既之深必獲自昭行
之篤必力自進持之以久亶而上達焉於
是體精微之妙聖賢親切之傳足見別子與
素子制道之切而區之微忱之粗言誠不能
窺作者之緩籙竊自覓補於吾世敢與同心
德法之云爾昔乾隆四十一年歲次丙申冬
月朔日接愛武林清真寺掌教咸陽後學馬

士芳華川氏薰沐頓首拜撰

天方主聖實錄年譜序

聞千聖一心萬古一理聖人之事不外乎正
心誠意其所以體贊造化薰沐人心者實所以
仰承天命不敢少負造化生成之大德耳

至聖實錄一書乃西域至聖穆罕默德承命立
教之行畧原本為西音經傳金陵前輩劉一齋
先生因書法不同語音復異恐昧聖行遂譯漢

成帙欲佈之海內咸知吾教之源流其翻譯之
心誠善也溯其成書之功實不知費幾許苦心
矣無如刊傳有心廣行未遂先哲云亡事成中
止予小子系出天方世居古燕自曾祖彌亭公
以深受 聖朝知遇蒙養殊恩每恨未仕末由
報稱遂令 賢祖父奮志功名以繼光志 賢父由
科名歷官壽春總領于乾隆辛未捐軀 主事

力綿不克歸里不得已

公請就近于壬申歲入籍松江

賢

幼孤失教一

技無能惟仰承祖訓每遇名師高人竊求吾道

一二毫末為警心守身之法乙未秋幸廣西胡

公移守雲間

賢

師事之餘受予一冊即一齋公

所著實錄稿也敬誦之欣感寔甚蓋慕名匪一

朝夕矣惟憾塵絆假抄未竟丙申冬忽幸金陵

景初袁老夫子下訪示書命并展之乃知繼劉

公之志已付棗梨

賢

寔不禁一喜若狂也竊惟

造化之降至聖尤東土之有孔子也故天之生
聖事雖殊而理是一聖之所為行雖異而心寔
同觀孔子之生也有麟吐玉書樂鳴中天之瑞
及其降也更有制作定世符著掌之貴而行道
之遭逢亦有陳蔡莫容之厄慎獨必變諸章一

動一靜何事不以誠忠恕順天敬明倫為事我
教至聖降孔子之後生而神靈知造化之理通
幽明之道大而綱常小而起居一動一靜惟照
事乎造化天人萬物之

主宰故其領會至大至真之奧妙化洽四方澤
流東土亟々焉援吾人同歸于至正至善咸知
造化生人之真淵以故垂教萬世無絲毫岐

可擬議者寔錄聖之全體大用彰明如繪矣吾
人世守正教幼習經者固知之而未習經者惟
知有聖而不知至聖之所以為聖豈非若暗室
無燈迷津乏筏哉袁君既感先聖承天立教之
苦復憫後人茫然無指之難不辭艱險不避風
霜南北奔馳創理制剔裝潢成帙使人一目瞭
然共悉其大本大源不啻仰承于聖側噫袁君

之用力用心實不愧為倡明聖道振興吾教之
偉人也 賢能不學無聞勉承 蘭咳聊拾數言
大德于不朽云耳

乾隆丁酉歲春王月中澣華亭恂齋改紹賢薰
頤首草

叙

孟子曰舜東夷之人文王西夷之人
行中國若合符節陸氏曰東海有聖
人出此心同此理同西海有聖人出
此心同此理同即南北海有聖人出
此心此理雖上下千古亦無不同觀
此則知聖人為閭氣所鍾後天而生

實先天而弗違者誠不可以方域限
亦未聞以方域異也我清真教肇自
西域起於人祖阿丹傳于

至聖穆罕默德道集大成聖由天縱
生而靈異長而徇齊華五行之精英
挹而大之真純德薰斯化風被咸懷
敷行乎君臣父子敷教於仁慈禮讓

不襲唐虞之迹而政康民樂不沿孔
孟之說而性正理醇發明誠實不墮
聖無敵承天經以昭萬世第以阿爾
堂之文言難使普天下之解喻道以
字晦理以詞蒙良可慨矣白下介廬
劉先生者幼從先祖遊即潛心默契
真詮既壯而慨然以漢譯為己任殫

廿餘年之精力彙千萬卷之英華翻
譯成帙披閱瞭然俾吾教窮理盡性
之學一旦霧散而覩天光全體大用
之精九達卓行而明軌迹不但有功
于往聖實深有裨于後人苟非劉子
之繼父志而宏聖教以惠無窮者何
能有此覲耀也哉則劉子之忠孝仁

然洵有不可思議者矣。總計成書十
餘種而壽梨棗者僅性理典禮數種
而已。先祖懋昭公先君宗岱公欲為
之刊布金書惜有志未果。國祚性雖
推魯志在斯文深憫其開創之苦功
欲續乎祖父之偉志雖力綿而莫任
幸將伯之可呼既版帙之俱成想前

賢之足慰念者目前固慶完全日後
難辭剝蝕則廢者舉之救者新之藏
者固之滯者通之是又有望於將來
之蔚起者矣
昔乾隆四十三年歲在
戊仲夏望前三日白下後學袁國
祚謹序

從來建大業者不計小恥立業
名者無難自居今閩閩子鍾
繹諸書知不待藉淹貫儒文南
特浩乎三昧義奧歆誕登而望
自秩乎條分錫析品升步而古
仙俾吾教愚夫愚婦同若觀火

瞭如指掌德澤開來之功良匪淺
也後讀

至聖年譜實福亦古先生苦心積
慮幾以我始彙此編輯以素民
國祚者利刻流布凡徒沽名射利
習聞道之心與劉子並垂不朽詎意

素以懷寶沽害雖在縲紲而恥
切罪此書得呈

御覽不加飭禁豈非割子身後之

幸哉豈非素以相以恥辱者哉

予皆居山左未得親受業於劉

子之門然而誦其書如見其人因

不禁喟然嘆興曰道以晦而益顯
人以屈而伸仲叔文子固美里
而大易作坤尼厄陳蔡而春秋
著子思連宗難而中庸述屈原
被焚之報而離騷得凡此由困而
愈堅切者即素以誠信

真主之的謬也自愧幅淺經典不敢

以管窺之見妄希高深者上

驅車至玉城以瞻幸采觀其壑

而益壯獨在垣觀點以

聖道為已任語云吾人天祥詢

不經意予詳亦相逢竟獲似道

而談話之之際志同意合遂命
繇子叙之小舞固陋敢竭鄙誠
恭疏雅引竊為敘願畢云尔

孔氏歲以癸卯孟冬月念三日穀旦

古鄭庠生王惲拜撰

至聖實錄序

至聖實錄者錄天方聖人穆罕默德初攷

三年之實事也而其先世自阿丹至至聖五十
世之源流次第逮焉傳曰天地間人爲貴而人
有聖賢知愚聖爲貴聖復有列聖欽聖大聖至
聖至聖爲至貴穆罕默德至聖也其所至貴者
何在乎在其自生至卒六十二年之事實也有
其自阿丹而下五十世傳光之源流也考其事
實溯其源流然後知穆罕默德爲天下古今至

貴之一人也。天方有至聖全錄，不可得見於斯。自法而西，學人據所見聞，輒爲筆記者，其文河漢其說異同，讀者難所依岸。茲惟據其世次、編年、事之同而實者錄之，復考諸經傳博採正聞，芟繁存簡，仿式綱目，訂爲是錄，俾覽者易扼其要而領取其實規也。於披閱之下，所當留意者四：一須知至聖乃真主造化乾坤所特生之一人，二須知至聖雖居人寰而其靈實爲造化之根原，其形實爲天地之模範，三凡古今聖賢先

至聖而出者莫不以心拆至聖爲得道後至聖
而出者莫不以服從至聖爲正覺四須知真士
降衷善人必使歷諸艱險受諸灾厄然後成厥
志以至聖至貴之品之德其處世行教必歷若
許艱難困厄非一蹴可行可至則凡體聖行教
者不得苟安於逸豫可知已嗚乎千古聖人之
道德未有貴於至聖千古聖人所歷之艱險未
有甚於至聖學聖人者持躬任道忍受艱難思
底于有成位追於無上當以是錄爲明鑑焉

讀至聖錄法

先賢爾馬篤曰讀聖人錄須具四種力一曰信心二曰辨才三曰明智四曰高識信心者凡聞見聖人所事所言出乎尋常見聞之外者實心誠信不可疑議少有疑議卽非聖人之徒也辨才者能分別聖凡知見之本不同不以凡人之事比擬聖人之事也蓋聖人之言行出於至誠至誠之道可以前知可以遠見可以驅鬼役神可以參天地贊化育非凡人知見之所能及而

若此擬之是混聖人爲凡人也明智者無惑於
所見所聞也凡天下之物知其象復知其理知
其當然復知其所以然表裏通明精粗一致無
或矣聖人者表裏精粗無不各極其至者也庸
見之徒何以知之高識者超常越衆之知見也
立高一尺卽遠見一層立高一身則所見者非
衆人所能見矣立堂下不能議堂上况立岩下
而議立萬仞之巔者乎聖人又出乎萬仞之巔
者也孰能議之讀聖人錄者見奇勿奇見怪勿

怪蓋自凡人爲奇怪者在聖人皆平常事爾
知大知品隔天壤冬雪夏虫徒相譏毀是故凡
讀聖人錄必具四種力無疑議矣嘻果具四種
力矣則自己之所言所事亦出平凡人之表矣
復何疑議聖人乎哉

著書述

著書至不易也予年十五而志于學八年膏晷而儒者之經史子集及禋家之書閱遍又六年讀大方經又三年閱釋藏竟又一年閱道藏竟道藏無物也繼而閱西洋書一百三十七種會通諸家而拆衷于天方之學著書數百卷已刊者什一典禮性理數種而已典禮者明教之書也性理者明道之書也今復著至聖錄以明教道淵源之自出而示天下以證道之全體也蓋

三書者三而一者也履階而登升堂入室其庶
幾矣憶自初學以至于今四十餘年覽遍諸家
讀書萬卷天下名都勝跡遊歷過半雖車塵驢
背未嘗廢吟哦而所成者無幾且未善也著書
豈易易哉尤有難者生無同志業無同事卽族
屬親友且以子不治生產爲不祥而予孳孳之
意不息篤志闡天方之學以曉中人自立藁自
胎清自修自潤而又不肯自是乃裏糧負笈歷
齊魯走都門就正朝神先達由襄楚入西秦訪

求宿學遺經過吳門遊武林越會稽抵甬東考
文問字閱胡氏天祿閣藏書得未曾有由大童
至大嵩珠山觀海大暢所遊歸而自謂曰學問
如是而已乎道理如是而已乎文章非我事功
利非我圖生擁萬山老于聖賢窩中可也庚子
冬赴宛府馬公召謁孔陵有感而歸明年辛丑
二月寓三山市肆甫譯天方至聖錄俄復有姑
孰之役年餘而聖錄未半思得一同志襄成久
知壽祿有人辭姑而北至毫復至壽諸君子皆

姑息而不予謬聞陳留許氏多藏經訪之過朱
仙鎮偶得賽氏家藏至聖錄西經原本也閱之
與吾昔所得者大較真詳憊然快然喜曰造物
之成就我如此其巧耶向也吾欲著三極會編
苦無其學遍求書肆天地人三者之書言多陳
腐無實求之天方之書無從可得早夜思皇俄
于京師得諸吳氏藏經數十冊皆西國原本自
元世載入藏之府庫而爲流寇發出者天文地
理之學思過半矣繼而于秦中復得人鏡經格

致全經而三極之學皆在焉今者至聖錄正苦
無真本而于不意中又得之豈造物篤意于吾
而欲吾成厥志耶吾其受命矣置舊翻新重訂
至聖錄時陳留歉疫大漸不可居得許子一序
而歸復寓三山市肆日沉浸于鈎提筆削患乎
求之難而得之易而成之復難何也造
物之成就人處固多而顛播人處亦多人心之
反覆世道之崎嶇塵紛之搶攘毀譽之凌瀆日
無寧善心無寧刻入室則呶咻嚙假寓則是

非糶礫謀一椽可隱而力不贍兄弟戚友初未嘗不愛吾居吾也視吾迂腐踈狂去之遠之不暇嘗至一歲遷徙數處無恒其友凡皆造物之顛播我也心志之苦筋骨之勞可謂至矣然而志不可奪乃去三山而就和陽之市三閱月而錄竟計自辛丑二月發筆迄今甲辰正月三易春秋十更居處南北星霜數千里三脫橐乃見小成較之居曠庭坐精舍田畝豐給明儕討論一人創之而衆人成之者豈不爲尤難也哉難

于其學復難于翻譯難于編著復難于成難于
會通百氏而成一家之言復難于以一人經理
百務而無相爲友雖然于至難中而有至美存
焉于至苦處而有至樂生焉暴入之時求之弗
得入之弗深若探海尋珠只覺其難沉浸既久
而一旦驪珠在握萬目稱奇美哉何似勉成之
際殫力搜羅庸心採綴如織錦編花多見其苦
工夫既到而一朝彩鳳成章千人唱美樂也何
如得其美無難矣得其樂無苦矣吾于至難至

苦中尋斯美樂之境假使當日坐守陳編不有
燕秦之駢勞安得快睹三極之奇學或眷懷姑
孰不有河中之跋涉又安能獲此聖錄之真本
以是知造物之顛播我正以成就我也吾之蒙
惠于造物者深矣厚矣志斯成矣獨愧夫才力
不足不能答其惠我之至意也殫躬盡瘁已矣
尚冀世之君子念我孤人聞見不廣辭語不工
而一志于倡明正學也正其紕繆補其闕畧修
之潤之共襄厥美以成大觀垂鑑永遠則斯道

之幸也

天方至聖實錄凡例

一是錄以藏爾華墨

即天方至聖錄

爲本而以羣說

補附之皆採自經傳正史考據真確無疑者以彰實錄之義

一是錄卽史也史以昭信徵往察來其有雜傳小說希異不經之談悉置弗錄其有聖人感應神奇非可爲教戒者亦弗錄至聖人所說經律教典另有分著不載錄中

一是錄綱目爲體例本準墨舊也

天方史學名

成

凡例

一家綱目一家例也卽此可見東西同文之盛

綱目史學也文貴約而該事貴祥而核準
學爲法而西學人所集未稱盡善刪繁補
闕庶乎可觀

凡興廢大事必書創制大典必書百王來
朝遠譯歸服以及征伐出使忠孝廉節凡
有關於風教者悉載之至其人之出處與
事物之顛末則或詳或畧或載或不載不

敢妄意補附致滋濫觴

一至聖之德爲天人稱頌感動幽明其紀載于經集而傳揚於天下古今者正自不少器舉數則列爲卷首以作識聖入門之先引

是錄錄六十三年事實而并錄其先世五代傳光直追元祖阿丹者識其源流本末之不偶然也抑傳光乃千古聖人未有之奇徵并識之以表其祖德宗功之盛典

其孕育生世之不凡也

一譜著四統源流真屬希有人不至此不可以爲聖聖不至此不可以爲至表而出之乃徵吾聖實爲萬聖之元首造化之特生云

一前列年譜提其總綱某年作某事表注其下俾覽者先扼其要領後詳其分目庶易明易記云

一吾聖出世專爲明正學闢異端不事功利

不受帝王之位反以貧儉爲尙而于貧儉中成富豐雖帝王威權莫之逾焉天命如此職任如此未可以僭分論也

一 千古爲聖爲王者難于治教兩全吾聖旣受天命以明教復專征伐以成治掃蕩羣邪廓清四譯規模萬世而不易誠所謂生民未有者也君師兩任治教兼統受命如此職任如此未可以黷武論也

一 凡天經聖諭皆本然文妙無庸蕩潤茲用

漢譯或難符合勉力爲之致意云耳

一尊經聖語言言典謨字字珠璣不敢增損一字以便質證誦習以慰學士覲揚

一凡天敕聖詔及封荅書劄只擇關要數語其他陪附套言悉不錄

一綱目之下間有或問議論斷辭諸文或見諸本經或採自別傳非敢妄意矜奇實恐因虛廢實

一聖人儀行爲古今模範其禮制實規已著

大經大典矣其居常細行及與弟子之常
言集三十五篇附著于後學者初見一班
母謂全體在是

一聖國風土爲萬方觀望其方域形勝氣候
風俗人物崇奉以及禮制形政飲食冠服
地方之廣遠國土之豐饒工藝技巧學問
精微已載諸史鑑傳記審矣苟非博學家
曷能周覽遍及今擇中史所載西方國土
中士所歷而爲記者數則爲仰聖瞻光者

畧開一實其方域人物等類卽分見于各國風土不復另著

一實錄原以表彰先德垂鑑後人重直書不避毀譽其中或有關切時病擊節痛癢者概不隱諱以存傳古鑑今之至意

一東西書契形聲雖異文理却同翻譯或原其文或用其義總以表彰不漏而已文有不合義無不合也

一行文淺近無深遠直述無蕩繪本色無虛

套其訓詁口氣只遵經義本文不循徑談
巷語惟冀上知留青不希庸愚頌好

一凡史斷論贊一從其舊歌頌詩章則或去
或存蓋翻譯一道易于義理難于風韻犯
難則去之若涉鮠魚恐流浮泛

一編年以天方年月大書於上以各帝國年
月分注於下以考證天下疆域雖遙而行
事若在一室也

一千支原爲紀數記號非有關於陰陽五行

也術數家以占年候凶吉及政務興衰誕
矣天方以厄卜哲得諸字紀數記號亦猶
干支也錄中不用無益近識也

一西曆恒以十二月爲一年無閏月閏十九
年而差七月則彼此月數不免差同故於
大書之下注明西曆某月當中曆某月至
其差閏之義另有專書詳之此不暇悉
一西曆十二月之名一定也準墨只書其名
不列其數此則大書其數並注其名以便

考核

一天方以月朔之明日爲初一日中曆以朔爲初一日故凡紀日數西曆較中曆爲少一日也如吾聖誕生三月十二日則當此之十三日也

一天方月名正月穆哈蘭二月色法爾三月勒比而與臥立四月勒比爾阿后爾五月哲馬獨與臥立六月哲馬獨阿后爾七月勒哲卜八月捨而邦九月勒默臧十月少

哇立十一月祖立格爾德十二月祖立后
哲

一天方日名初日日閃白一日葉怯閃白二
日日都閃白三日此閃白四日查閃白五
日潘閃白六日主默爾七日一轉周而復
始蓋取諸天行七政七日來復也

一天方時候與此處不同蓋緣地體渾圓常
靜不動天旋地上一日一周天方分一晝
夜爲二十四時中曆分一晝夜爲十二時

時分初正亦二十四也日行當各地天正
半晝爲午時對天正半夜爲子時地之圓
徑九萬里其建國居人處恒在圓體之半
爲地全體四分之一蓋如剖瓜四瓣而建
國僅在一瓣上也計此一瓣自東極海岸
至西極海岸四萬五千里兩極折中處則
天方也則日當東極午時爲天方之初曙
東極之酉時則天方之午時也日當東極
之子時爲天方之日夕而東極之卯時則

天方之于時也此東西時刻之所以不同也則凡錄中言聖人之感應如夕日返照夜月中分與晝昏夜明之類不必此地人俱見之也故祥異志所不載而西志載之中志天方去中國四萬餘里蓋從遊移曲線路也若依地徑直線算之不及三萬里也第山水紆迴沙漠遙亘耳

一錄中言兩禁猶兩京也卽墨克默底納二國也聖生於墨克都于默底納兩地爲天

下之觀望實聖國之禁地也故凡萬國來
王來朝者非以恭敬禮儀莫敢入之
人名物名皆自有本義未可翻譯翻譯則
不達如阿丹人祖之名也義則大地精首
穆罕默德至聖之名也義則普天稱頌名
者明也用其義則晦矣

一人名物名國土山水名有以一字名者如
罕努海子名商西域國名有二字名者如
爾里配賢名墨克祖國名三字四字名者

如歐墨爾歐思馬尼二配賢名默底納欣
都斯唐二國名五字六字七字者如額補
白克爾賢名爾十都墨那福聖祖名一十
尼默思歐第遷士名凡一二三四字名俱
卑名五字六字七字名俱二名並爲一名
也如額補白克爾白克爾是其本名加額
補其號也爾不都是其本稱墨那福其系
也默思歐第是其本稱一十尼尊稱之也
蓋天方加額補爲尊號猶此地加父字爲

尊號也如尙父仲父之類天方加一上尼
爲嘉名猶此地加子字爲嘉名也如子思
子子程子之類錄中凡遇名字多者省去
一二字易呼也如額補白克爾省去額補
只曰白克爾或去額字曰補自克爾或去
額爾二字曰補白克又如一上尼默思歐
第去一上尼只曰默思歐第欣都斯唐只
云欣都凡如此類皆省文也錄中散見於
前後覽者識之

一國名地名嘗有一處二名者或數名者亦由歷代之沿革也錄中只依聖世之名而以今名注之如補哈刺注哈烈一福里格注拂菻是也註之以便考証

一凡二人同名或數人同名者則易一二字以別之如賽爾的色而弟二木爾爾莫兒爾十篤爾十實二不獨之類總以呼之畧似而目之則不同也閱者當着意識之以不混彼此

一 天方文語雖點畫異制音聲聳牙而在彼地未嘗不日端楷順利且有卓越天下文語之妙第能服習于其間則雖童孺亦能運筆清新歌吟逸響讀者凡遇人物地名輕便讀過可也

一 錄中稱遷士輔士皆聖門弟子而輔治成化者也遷士乃原墨克遵教而從聖遷默底納者也輔士乃既遷之後歸化而輔聖者也遷士中位尊學富而品德幾聖者如

白克爾歐墨爾等則稱配賢云

一錄中稱穆民穆士乃吾人天方之本稱蓋
從穆罕默德聖人之教者也穆民本日穆
我民穆士本日穆士林稱穆民穆士省文
易呼也曰穆人穆衆穆軍等皆是

一錄中稱二氏乃指朱乎得忒爾撒兩教徒
也朱乎得乃母撒之教徒忒爾撒乃爾撒
之教徒兩教之徒初皆行其聖人之教祇
奉一主絕無異說迨後爲異端所惑敬神

事佛矣吾聖出恢復正教掃除異端天下
賓服惟二氏人執拗未盡歸服終爲異端
云

先輩聖人概呼尊號不曰聖人如阿丹施
師母撒爾撒等不與吾聖混也

一凡帝王宰臣及文武職名皆譯漢文辨尊
卑明任守也

一凡用一二西語如以馬尼討白等隨有訓
義註其下

自古帝王天下有之萬國有之第爲名不
同天方禪帝曰默里契統協諸王者也王
曰蘇魯檀統協諸郡者也翻譯直書帝書
王非敢僭稱乃明東西同文地各有主耳
一歷代帝王及名公鉅卿之碑記序文遍滿
天下不下萬餘茲僅舉數篇贅後識中士
讚揚我聖

一古今來事功莫重於道德人品莫貴於聖
人况吾聖爲天下古今道德之淵源人倫

人名以空條□。國土地名物名以實條。綱目有一節而兩事。或一事而兩義者。以大圈○格之。數名而連句者。以圓點。斷之。

一聖人實事散著羣經見聞不及宜載此錄者博雅君子補遺庶稱全帙

至聖寶錄卷目

卷之首

至聖解

歷代聖像

歷代經書紀載聖德

天地神祇傳揚聖德

穆罕默德紀

至聖篇

至聖行述畧

目錄
卷之一

至聖源流五十代傳光小傳

卷之二

世統源流圖說

國統源流圖說

道統源流圖說

化統源流圖說

四統總說

卷之三

年譜

卷之四

孕產奇徵

卷之五

一歲至八歲事實

卷之六

九歲至四十歲事實

卷之七

爲聖先徵

爲聖元年至五年事實

卷之八

爲聖六年至十三年事實

卷之九

遷都元年事實

卷之十

遷都二年事實

卷之十一

遷都三年至四年事實

卷之十二

遷都五年至六年事實

卷之十三

遷都七年至八年事實

卷之十四

遷都九年至十年事實

卷之十五

遷都十一年至終事實

卷之十六

感應補遺

卷之十七

至聖讚

卷之十八

儀行錄

儀容

語言

學問

禮拜

德行

動止

沐浴

念主

誦經

施予

交人

父母

婚姻

兄弟

待士

結友

營藝

齋戒

朝覲

接物

子嗣

夫婦

奴僕

和鄰

宴會

旅行

千求

商議

醫治

占卜

占夢

居處

冠服

食餘

視病

喪葬

哈參問

侯腮尼問

卷之十九

天方聖國風土考證畧

方域

形勝

氣候

人物

禮制

食飲

宮室

學問

官制

科制

曆學

風俗

崇奉

冠服

財貨

工藝

國紀

刑政

文字

奇器

靈異

勝蹟

附錄國名

中史所載者

西使記

天方國

默底納

忽魯謨斯

古里

哈烈

撒馬兒罕

蘇門答刺

五印度

榜葛刺

浮泥

南泥里

祖法兒

阿丹國

滿刺加

溜山

陞魯

拂林

回回國

哈密

回鶻

回回教

回回曆

回回欽天監

卷之二十

讚頌碑記序說

明高皇帝百字讚

明太宗敕諭

明武宗皇帝評

敕回回太師文

回回天文書序

勅建清真寺碑文

勅賜清修寺重修碑記

勅建懷聖光大寺碑記

勅建淨覺禮拜二寺碑記

勅建真教寺碑記

天方聖教序

天房賦

清真教考叙

羣書釋疑跋

清真教說

回回說

天方至聖實錄年譜目錄序終

目錄

天方至聖實錄卷之首

至聖解

羣經集覽

天地間人爲貴。人有聖賢知愚。聖爲尤貴。聖復有例。聖欽聖。大聖至聖。至聖爲至貴。和罕點德貴爲天下古今之一人也。故稱至聖。

造化之初。人分九品之理。而至聖之理居最上。賦形而後。人有九品之象。而至聖之象爲最。全理之最上者。知無不全。象之最全者。能無不脩。是故至聖之知能。冒理象以無遺。則品

第冠天人而特出也。

九天七地。爲萬有理象之居位。天貴于地。阿而實。又貴于天。至聖之性理。位于阿而實。則其居位爲天地之至貴。

地分七洲。阿爾壁爲七洲之貴。至聖爲阿爾壁人。阿爾壁以兩禁爲至貴。至聖生于墨克卒于默底納。則其居處爲天下之至貴。

阿爾壁一切氏族。以古來氏爲至貴。至聖爲古來氏之裔。古來氏以哈申爲至貴。至聖爲哈

申之孫。則其氏族居天下之至貴。

天方乃天下生人創國最始之所。墨克乃天下萬國最中之所。至聖生于其地。亦至貴之一徵也。

自開闢以來。天下萬國。人之能教之明。道之行。文章之粹美。學問之通達。莫過于至聖之世。至聖生于其時。亦至貴之一徵也。

十二萬聖人散見歷代。爲教各方。然只在一方。一時。逾方則不行。逾時則革。至聖合萬教歸。

一教統萬經爲一經。其教爲天下古今至貴之教。其經爲天下古今至貴之經。故能行之天下。傳之永久。不更不替。亦至貴之一徵也。凡人之宗支。由已身而上溯。至于始祖。或十代。或數十代。未能盡皆賢正。至聖自父祖而上。至于阿丹。五十世皆有賢名。不聖卽王。皆爲當世所推重。由貴胄而傳貴胄。其世派之至貴也。

至聖祖先直。溯至初祖阿丹。絕無拜佛祈神者。

絕無汚行者。由其祖德。世世培植。而有至聖。其積厚之至貴也。

世人之元形。皆函于祖父之脊背。獨至聖之元形。見于父祖之面額。夫首爲一身之尊。額爲一首之尊。則其賦形處之至貴也。

至聖之元形。見于阿丹之額。至聖之元理。位于九天之額。至聖之尊名。列于阿爾賓之額。何莫非至貴者耶。

天地造化。譬如樹株。至聖其果。譬如粧臺。至聖

其鏡譬如鑾儀。至聖其實座。譬如賓筵。至聖其首席也。

聖賢如衆星。至聖則日。教化如炊餅。前聖種麥造麴和劑。至聖則成熟餅也。

至聖乃造化鍾意之人。是故主諭爾撒曰。不爲穆罕默德。不造天地人神。則其特生也無疑。行路有左右。左東右西。至聖行右路者也。路復分左右。中左逆右順。中則卽此是道。至聖行中道者也。左道入地獄。右道進天堂。中道則

直趨而上。右貴于左。中又貴于右。是故至聖之道。乃至貴之道。

造化至貴。居處至貴。時境至貴。稟賦至貴。世族至貴。趨向至貴。無一不至貴。至聖之所由稱也。

天頂額其名。天門書其名。古典載其名。神鬼頌其名。欣都貝葉撰其名。至聖本體印其名。天地萬物象其名。而造人身象其名。而生天上地下。孰有越至聖而爲物者。則天人之歸至。

聖猶衆流之歸海也。是故歸之者爲正。不歸之者爲迷。貴孰如也。

歷代聖容紀

補白克使奚商之魯密聞聖人之教。始至與拓魯密之屬邑也。邑侯海葉勒遣使問話。不對曰。不到王前不與言。海葉墨衣召見奚商曰。魯密天下之宗國。君侯大臣也。不以禮接遠人。將何以朝四方。海葉詢其來意。曰。奉使上國。闡揚聖教。曰。吁。君爲晝齋夜拜者之民耶。曰。然。海葉變服。禮貌甚恭。給夫馬送之。王城使者請易馬。曰。此地不利於駝。奚商曰。馬亦不利于我也。

吾取吾之慣可耳。乘駝帶劍入王城，直抵殿陛。下駝時，魯密王坐寶位，擁百官皆赤服，儀仗肅然。奚商入，高誦清真言，宮殿爲之震。王恐，命坐。奚商匍拜而坐。王曰：卿乃有禮之國，見王而不叩頭，何也？奚商對曰：奉聖人之教，不叩頭。王曰：何故？對曰：聖人制禮，與常不同。人有尊卑，禮有等殺，非其位不施其禮。不知上國之禮，何如？請王恕不知之罪。王曰：旣云聖人制禮，應無不是。願聞其詳。奚商對曰：禮有五等，人倫至。君父爲

尊復有尊居君父之上者爲至尊造物真主是也。臣子爲卑。復有卑居臣子之下者爲至卑。奴隸是也。與身平等比肩者。兄弟朋友也。總爲五等。尊與至尊卑與至卑與平等也。其相見之禮亦五等。叩頭也。匍匐也。躬身也。長跪也。侍立也。叩頭者。全身俯伏。以頭叩地也。匍匐者。全身俯伏。以口親地。頭不至地也。躬身者。屈折其身。背正向天。面正向地也。長跪者。身首直立。髀脛曲指膝向前。足向後也。侍立者。委手立身。無傾仄。

旁倚也。五等以配五禮。叩頭施于至尊。真主也。匍匐施于君父。躬身施於朋友。臣子匍匐於君父。曲膝荅之。敬之也。奴隸匍匐於上人。跼立荅之。敬之也。一說。奴隸進於上人。有奏則跪。無事則立。五禮者。尊卑等殺不容紊也。王曰。五者之配。亦有道乎。蔡之亦有責乎。奚商對曰。莫尊於首。伏首所以事君父。首以額爲至尊。稽首所以事真主。身者一體之中。躬身所以揖比肩。膝次於身。曲膝荅臣子之以禮進也。足爲一身之末。

垂足荅奴隸之以禮來也行下之禮可通於上
事上之禮不可行於下故待臣子可立可跪而
不可躬身待朋友可立可跪可躬而不可匍匐
事君父可立可跪可躬可匍匐而不可叩頭若
事主則立躬跪叩全施之矣叩頭之禮不可施
於君父卽猶匍匐之禮不可施于朋友臣子而
躬跪之禮不可施于奴隸也禮者理也達理不
稱禮順其條理明其等殺然後有典有則也王
聞竟大悅曰眞聖人之禮也敢問聖教以何者

爲首。奚商高誦清真言。宮殿復震。王大恐。曰。念此則宮殿震。常平術乎。常則民生不安。術則不可以爲教。對曰。非常非術。前亦未之見。王曰。則今何由對。曰。是言也得之者安。失之者危。得之而弗安。是欲弗得也。是在吾王。王曰。吾願敬服斯言。敢問修道之功。曰。天道五功。人倫五典。二者盡餘無事矣。王大悅。曰。吾久聞聖人之教。未獲親顏。拜益聖人。肯以道惠我。我願以國土之半酬聖。留居內庭。日與講論教禮。甚洽。王心一

日王曰有寶物於斯請齋戒沐浴以視奚商如
命異日內侍捧一匣至赤金所造內函小匣王
親啟其匣出冊一本內註

人祖阿丹聖人美容雄目上身無衣而多毛髮

其髮作兩辮分披左右 次註

努海聖容大頭赤目披髮若號泣狀 又註

易卜獵欣聖容隆準龍顏丹鳳眼一字眉廣額

大耳三絡白髯 又註

母撒聖容壯偉團頭撮口落腮鬚圓鼻厚唇日

光射人。身發異香。作巍嚴貌。又註

魯晚聖容美容垂髮怒貌。又註

易司哈格聖容顏色如蘋果。風雅俊逸。謙和笑

貌。又註

葉爾孤白之聖容。仿佛易司哈格之容也。然下

唇少缺。又註

易司馬儀聖容美容高鼻長材謙抑面微赤。此

乃至聖本文之嫡祖也。又註

郁素福聖容丰美異常面如皎月。又註

達五德聖容赤顏細項大腹 又註

蘇耒馬尼聖之容亦如達五德之面貌也而手

大足長 又註

爾撒聖容白面烏髮修目長眉也爾撒之後則

吾聖穆罕默德之儀容也至聖之儀容俱見于

後此予以示汝者通歷代大聖人之容紀也列

聖皆有紀不暇啟矣奚商以手加額曰臣幸獲

此冊如覩先聖之儀容也視吾聖紀之真則一

切皆真矣敢問其所自來王曰此真主勅降阿

丹俾親見子孫爲聖之儀容。初藏西土阿丹故宅。後祖立格爾乃尼遷授達尼雅聖。恐其久而有失。謄錄以傳于今也。原係玻璃片。此易紙。吁。汝得我而得觀先聖之儀容。我得汝而識此匣之不凡。並識穆罕默德之爲聖實也。吾欲棄國而爲聖教之民。使吾國通行聖人之道。願足矣。乃厚資笑商。商不受。歸盡述其事。補白克喜曰。彼棄國汝得國矣。彼樂其貧。汝安其富矣。

歷代經書紀載聖德

古天經云。阿丹告諭子孫曰。真主憐予。爲人類祖。爲衆生貴。汝輩知之。吾後裔有至貴於我者。名穆罕默德。爲萬聖之封印。后曰赫底徹。內德勝於奸媧。吾之魔成邪逆。彼之魔成正果。

古天經云。額合默帝

即至聖原字

末世聖人也。溫恭

謙抑。德性和婉。無怒色。無高聲。律已恕人。報怨以德。遠邇之人。無不歌頌之。王侯服役百

靈效順常沐浴禮拜班次如戰陣晨夕功課
微吟如蜂聲誦誦經文聲徹天頂生於墨克
都於默底網爲萬國之君師雖帝王莫不臣
服之

古聖錄云真主諭彼先聖吾將差聖收爾萬聖
功作証先民報信後覺誓約一切叛違溫恭
和婉廉恕爲常以清真言建立正道能俾聾
聵而成聰明變固滯而爲靈覺真主誓約歷
代聖人信之助之歷代聖人誓約其民景之

仰之

討喇武

降與明撒經名

經云維聖生長墨克受命於墨

克降敕于墨克、迺易司馬儀之嫡派也、

引支勒

降與爾撒經名

經云爾撒諭其宗徒曰、爾輩愛

我信我、領我囑付、真主告我、我後無聖、惟穆

罕默德一人而已、萬聖之領袖、封聖印者也、

教化闢于四極、德澤流於永世、萬教皆革、歸

其一教、至於歿世不更、若此聖受命、汝輩或

汝輩子孫生當其時、切須實言告人、服從其

教有朱乎得不信汝衆之言、且每事毀之、可
投伏于聖、聖必信汝輩之言、吾之教生、將有
誣吾爲主、不信末世之聖者、汝輩毋與和同
亂教、否則世代教門、皆成虛謬、永無脫離
按引支勒經有四家音者、曰謨、他、曰郁合、
納、曰穆賴格、曰老噶、皆稱主降之經、爾撒
之言、不知原只素爾雅尼一音、後爲宗徒
各變爲一家、以傳于四方也、文字旣異、義
理難同、不能不漸相訛誤、多失其本、二氏

之衆不能復見古本惟聽學人口傳心受
四部經亦漸以泯古本經更不復有人問
矣故引支勒經雖有如無也聖人之世惟
魯密尙存古本其後亦漸以廢真主命吾
聖人傳教各方古爾阿納只以阿爾壁一
音誦習書寫不變別音此所以千古同音
萬國一理也

則通、
德經名經云真主預曉達五德爾撒爲
聖而民以爲主達五德告曰主也蓋降天差

宣白衆生、爾撒乃受造僕、非受拜之主、真主
諭云、吾以此試驗世人、誰爲忠、佞、賢、奸也、又
預曉達五德、穆罕默德爲末世封印之聖、其
品高于前聖、若日之强于羣星、達五德曰主
也、何以致然、諭曰、慈憫爲性、救度爲心、禮儀
表善、威儀制强、功行自然、百物順應、賞罰公
正、衆自傾服、從生至卒、不立一私、

述而已、

古經名

經云、真主諭云、穆罕默德吾僕也、

予愛之者重、故救之者多、

真主降教阿丹十
六道降教易得聖

斯四道降教、拏海五道、教易卜刺欣五道、教爾厥十道、教吾聖二萬四千道、凡一百十四章、六十六節、公惠親親、愛民如子、恤傷如己、律已寬衆、賞罰無私、轉聾瞶爲聰明、變愚蒙爲智慧、天下萬國聞其教者、莫不欽仰佩服、讚頌不置、不沒人長、不諱己短、謙恭溫抑、有一得可稱者、不廢、是爲人物之表、而真主慈憫普世之光也、是光也、永麗不息、如日中天、其兩肩角之間、有爲聖之印、

古經有云、東海西海、其教化洋溢之處、南極北

極其德澤流沛之所傷乎彼爲仇爲敵者自
取喪亡雖帝王無不臣服以時奉祝雖前輩
敎生莫不欽仰思及服從強中至強勇中至
勇仁愛之心包天括地萬方寶物歸之不爲
貧以其旋得而旋施也人天頌德不爲榮以
其德愈厚而愈謙也其敎風行其德日盛噫
如此德行千古惟穆罕默德一人而已

天方古史云土白爾兵圍默底納致書城守曰
吾欲毀城不容朱乎得居必總歸阿爾壁之

教城人大恐集朱乎得學人曰兵爲爾人來
爾人盡謀退敵之策朱乎得大學人沙蒙曰
吾以書荅之書曰此城非可毀也將爲末世
聖人建都之地乃易司馬儀嫡派之孫也生
于墨克都于此今汝下營之處正其將來誅
逆之場也土白爾得言單騎入城詣沙蒙曰
果如君言彼旣爲聖人誰敢侮逆曰卽其宗
親也曰宗親得聖人何等富樂而復侮逆耶
曰妬也、不服同人有如是高品也曰畢竟誰

勝曰勝負不常而終歸勝于聖曰如此則是
爭氣也非爭理也沙蒙曰然土白爾曰其儀
表有徵乎曰日有紅絲身有肉印乘駝佩劍
服衲衣過處留香四十日不散天道之事不
別凡聖一體遵之前聖之教皆統歸于一教
也其爲大割也歟土白爾聞竟愕然曰吾不
能爲用矣待其受命吾必歸之遂拔寨還
真主敕諭阿丹曰吾乃墨克之主彼地之民皆
吾之隣來朝之人皆吾之客吾命天神地祇

修飾保護以俟萬方披髮膺塵盤山涉水高
誦應辭而來者應辭乃朝房之人歌頌之名既為吾之客
自宜應之禮節續之善類吾于彼處設諸尊
位即後易卜高諸品級天方品級陳其實玩開其
泉池前聖後聖間代接出來此功課以為修
飾以待來聖穆罕默德生穆罕默德其古今
之特客也

聖八世祖克而卜在墨克歐魯白日即今主諭媽日也
眾曰嗚呼吾民爾眾知之聽之悟之天清地

寧夜暗晝明、山河流峙、日月常經、是乃我之
家室、古人今人、男女傳繼、起復不常、至于永
世、是皆我之祖孫、天人一源、物我一體、爾子
若孫、咸宜遵禮、聞善卽拜、見惡速避、修飾天
房、防守禁地、以俟真聖、篤降末禩、復爲之辭
日、晝兮夜兮、興替無常、生兮死兮、來復何忙、
大義無隱兮、愚蒙不明、真聖一出兮、大道斯
彰、吾其能及兮、永佩宏光、

朱平得藏有古經、載穆罕默德名諱若許、而不

曉示人其經有云、當其降生、有降生星見、當其受命、有受命星見、明見其星、又識其人、而不服從者、妬之耳、妬之復欲傷之、真主則固欲保之、且盡革其教矣、復申嚴令曰、順之者正、逆之者述、永不得脫離、

以思、華得朝有金人、阿爾璧之相、乘駝、披衲、佩劍、纏頭、着履、皆金鑄成、民有被屈、卽向枉者、曰、汝早完我事、莫待此人受命、則刑鞫汝矣、此像存至歐墨爾開密速城、解之、造禮拜寺、

矣

古天經云、主諭古聖教諸民、曰、予以全恩造爾、
養爾、衣爾、祿爾、畀以神通法力、超拔萬類、及
遭禍患、似失牧驚羣之羊羔、予復聚之、安之、
恤其落泊、治其痛苦、百凡護庇、乃其人不知、
自誘自殺、吁、歎傷哉、其作罪傷哉、其自枉、當
吾造天設地之初、卽豫定天人之理、各安其
位、若爾人能知、未見須臾、言穆罕默德、生于
何時、降于何地、輔者何人、喪者何人、吾將命

其更改一切教門、革除一切經書、畀以萬種
明恩、未與前人者、人能遵此一聖之教、卽猶
遵千古十二萬四千聖人之教也、

母撒從學赫子爾、至一邨、見危墻、正之、謂其下
有孤兒之瘞、財內有金牌、上書曰、奇哉人、知
有前定而復奔忙、奇哉人、知有火獄而復歡
笑、奇哉人、明見世物變遷不常而復倚托之、
吾乃止一無並之主、穆罕默德乃吾欽差也、
古經載言甚多、此惟輯畧、

天地神祇傳揚聖德

天神者白爾衣勒曰吾於九霄之上見書穆罕
然德尊名盛德又曰吾遍遊世界未見一人
貴于聖人未有一宅貴於聖宅九天神聖咸
以讚聖爲功課萬類生靈咸以聖德爲景仰
爾卡亞密爾初爲二氏鄉民既明拜像之非遂
棄邪求正問道於四方咸稱末世聖人之德
將有大割革除衆教通歸一教奉事造化天
人無像之主第不知出蹟何處受命何時亟

求歸附焉。聞即滿有隱士、善卜、能知未來、往
問之。野行、夜深、無宿、月光中、遙見燈火如星、
欲就無路、溝坎荆棘、陰風逼人、坐騎顛、
前忽見數人、坐地形、容古怪、語聲模糊、似非
人類、心神慌恐、毛髮直豎、急下騎、大呼曰、誰
能庇我、孤旅無投、聞數人私語、良久、來前道、
安請坐、問其何來、阿密爾神馳心怖、不能爲
答、良久稍定、曰、艾桑、阿密爾所居地名、曰、何往、曰、投
庇帳下、衆曰、毋畏、毋懼、請實言之、乃道其來

意訪卜問道。四人齊指一人曰：「盍問此人。」移
席向之。疏其意。其人曰：「吁！阿密爾汝尊貴。汝
好道。指皇天后土爲誓。奔烈馬而求忠信。謹
皮封以固語言。言今之世忠信難求。語言不可輕發也。二語生色。枉
道害理。天下皆是怨天罪人。莫非自愆。嗚乎！
此人將受命矣。萬聖之印將封矣。萬教俱歸
一教矣。教禮一定。至于後世不更矣。彼拜像
之人。初皆自以爲正。今而後皆自識其迷矣。
歸之逆之。歸之者循理而歸。逆之者爭氣而

逆非不知其正而逆之也。其道大光。其教永
常。君其專俟其顯揚。亞密邇曰。此人聖者乎。
王者乎。曰。聖者也。聖仁而王。威爲聖之至貴。
王之至尊。千古聖人無不班隨。天下帝王莫
不臣服。亞密爾此時身心大定。襍衣正冠。端
拱請問。出于何處。受命何時。其人亦有徵驗。
乎。曰。墨克人。哈申之裔。易卜臘欣之貌。郁素
福之美。身材不長。立千人之中。高一首。體質
不壯。較萬人之力。獨勝。其視明。其聽聰。其肩

一字寬仁厚德。擔待和緩。舉世無並。胸有肉印。亞密爾曰。如是君從何自。而聞乎。曰。四方之神。均如是傳揚也。言際東方。曙白人忽不見。身坐荒蕪中。乃知神境也。歸而告諸二氏學人。皆心知其是。而不口肯也。

墨爾色得古王者歸師。大得擄獲。都人爲賀。文人詩士咸有賀章。荅贈酬餽。快意無似。卽夜見奇夢。甚憂恐。及覺。盡忘。問諸占卜。不知問諸巫覡。不曉。然而憂恐之心。不能釋。反致煩。

悶鬱鬱不解久之郊獵逐獐引至一洞時酷
暑烈日倩洞暫息俄有老媪禮貌甚恭延入
內見美女踞床坐忽起遜坐呼曰仁王何來
飢矣以酥糕脯醢進親自賠奉斟醇乳飲之
愈見女子弄色問其名曰吳裴爾曰汝識吾
乎曰君墨爾色也曰何以知之曰君乃爲見
夢復忘問之占卜巫覡皆無一語以對者也
墨爾色暗自驚異曰汝知此事乎曰此真夢
也曰請試言之女子曰君夢大風揚塵高捲

至天。塵中射火。火中發烟。烟下流河。河邊有
人。呼人飲水。以手掬之。母以口就。就則溺。君
憂恐而覺。墨而色曰。果然。敢請直解。女子曰。
揚塵之風。帝王也。火賢輔也。烟寇仇也。河水
學問也。教人飲者。聖人救度也。以手掬水。順
民也。以口就飲。叛逆也。君得此夢。將必有聖
帝出。承天闡化。羣賢相輔。復有寇仇。波瀾其
間也。墨爾色曰。此聖以治生。以亂生乎。女子
曰。治亂不常。終歸大治。帝王皆願臣服。官主

咸來妾侍。曰以何爲教。曰沐浴齋戒。禮拜朝
天。嚴酒禁。滅佛像。曰自何氏族。曰穆最爾之
裔也。穆最爾世祖聖克賢王位爲聖尊于天子。受命
征伐。罷善誅逆。曰何人輔之。曰大福大慶之
人輔之。墨爾色仰天嘆曰主乎主乎吾願得
及其時爲其門下卒也。時見女子美目倩然。
心欲留戀。身覺不安。辭歸。明日檢百駝金帛。
送女子。失其所在。方知所遇神女。

灰卜問流星之吉凶于星士郝託爾士爲當

時星學尊宿年二百七十歲矣。士曰：汝五鼓來。予語汝。五鼓至。見士仰天正觀乾象。覺其來急。以手示止。勿言。忽一大星墜落。士厲聲呼曰：墜是也。有隱禍俱來也。徇速也。星焚之矣。所絕答問矣。傷哉其事。不能誘矣。止其亂。絕其壞矣。其事變于今日矣。默然良久。乃曰：吁。虛灰卜。吾語汝實義。邪魔詭机。從今止矣。流星無吉。凡皆驚嚇竊聽之魔也。今魔已焚。遂再無竊聽矣。因有大聖人出。廣受天經。大

闢教法其道如日麗中天靖除異端誅滅佛
像占卜之事從今不靈矣以竊聽斷矣盧灰
卜曰請問其聖之氏族士曰古來氏之裔哈
甲之孫至公無私至仁不黨統天下一家合
萬國一族至于永世不更不替天下合兵聚
來以談笑解退以懲惡除逆爲已任以道爲
已任也盧灰卜曰君何以知之士忽目燈良
久曰巨魔巨魔復笑而吟曰大哉真主仁哉
真聖魔鬼潛踪無復竊聽吟畢忽仆倒在地

不醒人事。三日方蘇。口誦清真言。不輟。異日
告於聖人。聖人曰。此真天機也。郝託爾之所
云云。自亦不知所云也。視其語言。重複錯亂。
盡神附之也。

穆密王喜爾格獵逐鹿。先聚軍。見鹿匿茅屋。追
入。見華堂。甚煥麗。聞誦經聲。俄有女子迎出。
嫣然笑貌。延王入內堂。王問誦經者。對曰。卽
妾也。誦何經。曰。引支勒經。誦之何謂。曰。引支
勒。古本泯矣。今世所傳者。皆更改錯亂者也。

王曰。何以知之。曰。千古神人。咸稱末世聖人。穆罕默德之德。千古經書皆載。末世聖人。穆罕默德之貴。獨引支勒中不然。且多貶之之辭。竊嘗疑之。因翻先世所遺有引支勒經閱之。其與千古神人經書所云正合。甚稱穆罕默德之德之貴。夫引支勒經主所降也。應與主所降之別經合。合者知其爲古本。不合者則知其爲更改錯亂者也。王請閱之。玉簡金書。裝潢異製。真非凡物。乞假以歸。明日命使。

寶車珠幌來載女子。徧覓絕無踪影。王親來
視之。初路依然。茅屋仍舊。入視之。並無華堂
內室。惟亂石荒原而已。乃知所遇神也。以素
所習之引。支勒對之。方知神語之不虛。因寶
藏之。至今存焉。

穆罕默德紀

穆罕默德至聖也。其靈妙爲一切靈妙之祖。十二萬四千有奇之聖。皆稟其餘光者也。十二萬四千有奇之聖。不盡生於天方面。穆罕默德實居領袖。理定於一切羣聖之先。身生於一切羣聖之後。集衆聖之道法而折衷之。以歸於中人。與神皆受其裁成焉。得受天經六千六百六十六章。自治治人之理。悉本於此。曾一夕身遊天界。十二萬四千有奇之聖。羣聚於第四天。盡皆

歸依之。其品蓋如此也。是夕對越眞宰。親聆妙
語。相合者。天人離卽之間。相去者。一弓兩稍之
際。諸天福境。一一遍歷。其崇高豈諸聖可同日
語耶。至今去世。千有餘歲。而陵寢間。猶自毫光
日夜侵虛而起。穆罕默德其往耶。其未往耶。

至聖篇

千古以來爲聖者多矣。而惟穆罕默德爲至聖。至聖者。德無不備。化無不通。全體真宰。而流爲大用者也。有宗派焉。有感應焉。至聖之靈卓出上天地未有之先。爲萬有理性之宗。至聖之身生子天地既全之後。爲萬世聖人之果。是故天地之大。莫不胥其孕育而成。有萬聖之靈。莫不稟其蔭應而得生。是故其形爲阿丹嗣。其靈爲阿丹祖。其教統萬教而皆備。其法集萬法而

觀成其道。卓越萬道而中正。與日月同光。與天壤同久。經謂凡欲識至聖者。先須認其宗派。此則至聖之宗派也。若至聖之感應。莫可數窮。而其超越前聖者。尤不可以意計。若珠丸毓秀。肉印光瑩。感神光於阿丹。拜丹青於隋主。皆徵應之徵末而已。爲前古聖人之所未有。至其教化之垂久而爲天下後世據者。則有主授之經焉。有服教之人焉。經冊三十而不繁。能包總前聖億萬之經。其篇百一十有奇。能詳闡幽明化育。

之旨其理明其義深其文辭高出天下而無與
比是則主授之經可據也服教之人功名富貴
不能惑其志異端邪說不能亂其衷適殊域傳
子孫累世不易其信道盛教衍無往不通是則
服教之人可據也以視立一說而家不能傳設
一教而戶不能曉卽傳矣曉矣而義蘊淺薄旨
趣無多豈能歷久遠而不替也哉是則其宗派
之原委咸應之神奇與爲教之正大皆自生民
以來未有一人可以幾及者

天方至聖本末行畧

至聖穆罕默德奉天闡教其盛德大化寔絕幽
明歷朝史乘經書皆載揚不置今辭世千餘歲
矣流風善政炳炳皇皇余小子仰慕深切窮極
搜羅竊亦自謂能窺萬一何敢弗表彰之以啟
後人。是殆有難焉者至聖之始終本末非古
今一切聖人可比。吾欲揚拔之將自其何者揚
之乎約而計之得其所以寔絕乎幽明者有
一事一則其聰明寔絕乎幽明也元會運世中

百千萬之聖人，什伯千萬之天神，皆稟其聰明之餘光，以爲聰明。則至聖之聰明復可以意之乎？一則其道德夔絕乎幽明也。先天地而顯其靈妙之盛，後天地而證其封印之大成。三才五行之理，皆自其本體而發揮周遍焉。其道德殆非人神之所能比擬。萬一者已。一則其行持夔絕乎幽明也。語默動靜毫厘不存我見。而一聽乎真宰之明命。六千六百六十六章之天經，則其所奉以爲標準者歟。一則其富貴夔

絕乎幽明也。九霄七曜，山河大地，無一不自其
真光流出。其清明廣大何如也。豈帝王爵位之
尊可得而擬其貴，金珠玉帛之寶可得而擬其
富者哉。一則其子孫變絕乎幽明也。九天七地，
亘古通今之神與人，無非自其本體而化生。則
子孫蕃衍，豈必今日之哈申賽姓其人者，乃得
爲其子孫乎。一則其神通變絕乎幽明也。於未
有天地萬物之先，開拓萬化，以啟其端於天地。
萬物既盡之後，而包羅萬有，以歸於一。此其神

通孰得窺其涯。溪歟。一則其慈愛。憂絕乎幽明也。慈行於無形之世。而一切感其靈妙。愛普于今後兩世。而一切蒙其救拔。固不僅降生天方之日。而諄諄念切于教生已。一則其聲名。憂絕乎幽明也。身未降生。而天籍已注其名。降經前聖。而聲稱預傳其美。卽今普天率土之人。於謝主之後。有不繼以讚聖者乎。聲名殆莫有並焉者矣。一則其根元。憂絕乎幽明也。靈妙起于真宰之本體。求其名。則主與聖有分。究其實。則聖

與主無間。含吐萬殊。而真宰造化之權。皆歸掌
握焉。其立基何隆也。一則其歸結。變絕乎幽明
也。不以一己之歸根復命爲歸結。而必總古今
之人神萬物。皆以致之歸結之地。散而爲萬合
而爲一。此真宰之事也。而皆自至聖一人操之。
則其歸結也。一真宰之自爲歸結矣。至聖之始
終本末。其可得而紀載者。此也。其可得而揚拔
此也。若夫生長天方者。若干年。爲聖爲王者。
若干事。如紀錄所載者。則不過外著之功業已。

耳。安足以盡我至聖之能事乎哉。